

Go yoo e ka mo amago

Yuniti ya Dinyakišišo tša Tlhabollo ya Bašomi ya Afrika Borwa e lego *Southern Africa Labour Development Research Unit (SALDRU)* le Yunibesithi ya Kapa di tla swaragana le tekolo ye mpsha ya bosetšhaba, e lego **National Income Dynamics Study (NIDS)**. Tekolo ye e tla nyakišiša diphetogo tšeo di bago gona bophelong ka Afrika Borwa, ka maikemišetšo a go kaonafatša maemo a bophelo bjo kaone bja Maafrika Borwa, diboepo tša malapa a bona le gore se se ka fetoga bjang ge nako e ntše e sepela. Go sepelelana le maikemišetšo a re kgopela motho yo mogolo wa maleba ka lapeng gore a arabe lenaneopotšišo la lapa leo le botšišago ka badudi le maloko a mangwe. Ke moka re tla kgopela modudi yo mongwe le yo mongwe yoo a nago le mengwaga ye 15 go araba go araba lenaneopotšišo gomme motswadi goba mohlokomedi go araba lenaneopotšišo le le kopana mabapi le ngwana yo mongwe le yo mongwe ka lapeng. Gare ga dilo tše dingwe re tla botšiša gore na maloko a mangwe a lapa a tšwa kae, maemo a bona a thuto, gore ba šoma kae, maphelo a bona le ditseno le ditshenyagalelo le dithoto tša lapa. Re ile go ela botelele, boima, le kgatelelo ya madi ya badudi ka moka gomme re ba fe karata yeo e nago le tshedimošo ye.


Ka 2008 malapa a mangwe fao o dulago gona a tlile go ba karolo ya malapa a ka bago a 8 000 le batho ba ka bago ba 32 000 nageng ya Afrika Borwa ka moka bao re tlogo boledišana le bona. Mošomo wa go etela malapa bakeng sa tekolo o tla thoma mafelelong a Janaware 2008 gomme o tla tšwela pele ka kgwedi ya Mei 2008. Re tla dula re ntše re ikgokaganya le wena ka morago ga tekolo ka gobane re rata go boledišana le wena gape nakong ya mengwaga ye mebedi le nakong ye nngwe ye e tlogo. Diketelo tša go boeletšwa di re thuša go bona ka moo maemo a gago a fetogago le nako ka gona. Ge re kopanya tshedimošo ya gago le ya malapa a mangwe re kgona go bona gore ke eng seo se thušago Maafrika Borwa go tšwela pele le gore ke eng seo se ba boetšago morago ka tša ekonomi.

Dinaga tše ntši tša go hlabologa le tšeo di hlabologilego di na le dinyakišišo tša go swana le tše ka gobane di thuša kudu mo go tsebišeng ga molaotshepedišo. Le ge go le bjalo, ye ke nyakišišo ya mathomo ya bosetšhaba yha mohuta wo ka Afrika Borwa. Ka gona a ke mathomo a selo se sengwe seo se thabišago se bohlokwa kudu. Lapa la gago le kgethilwe ka mokgwa wo o kgethegilego gore le be sehlopheng se sengwe sa rena sa malapa ao re tlogo šoma le wona. Ka gona go kgatha tema ga gago go bohlokwa kudu gomme re go leboga go menagane.

Dinyakišišo tša Tlhabollo ya Afrika e lego Development Research Africa (DRA) e kgethilwe go dira mošomo wa go etela malapa bakeng sa NIDS. Gape re sa kgopela gore o re dumelele go lebogela kudu thušo le tirišanommogo ya gago mabapi le go netefatša gore mošomo wo wa ketelo ya malapa o atlega bakeng sa dinyakišišo tše bohlokwa tše.

Ge e ba o tla nyaka tshedimošo ye nngwe ka ga dinyakišišo tše o ka ikgokaganya le molaodi wa projeke wa NIDS, Ms Sihaam Nieftagodien, nomorong ya 0800 11 NIDS (6437) goba Mna David Scott go DRA nomorong ya 011 807 1194 goba etela websaete ya <http://www.nids.uct.ac.za>.

Ka boikokobetšo



Prof Murray Leibbrandt
Molaodi wa SALDRU le Monyakišiši-mogolo wa NIDS